

Тэмдэгэй нэрын шанарай зэргэнүүд

шанарай зэргэ – степень сравнения

Шанарта тэмдэгэй нэрын зэргэнүүд

юрын

-
улаан

сасуульн

-шаг, -бтар
Улааншаг,
улаабтар

үлүүлэн

тон, угаа, дан, маша, саб,
хаб, ноб, уб г.м.
Уб улаан, шад улаан,
гал улаан

Уншагты. Тэмдэгэй нэрэнүүдые ологты.
Шанарай зэргэнүүдыеень элирүүлэгты.

*Сэсэгүүд, сэсэгүүд **сэл хүхэнүүд**,
Сэлмэг гоёнууд, шара, ногоонууд,
Шад улааханууд - яагаа найханууд
Янза бүриин сэсэгүүд бэ!*

(Ц. Бимбаев)

Үгүүлэл уншагты. Тэмдэгэй нэрэнүүдые ологты, болохо газартань тэмдэгэй нэрэнүүдые нэмэжэ, үгүүлэл баяжуулагты. Шанарай зэргэнүүдые харуулһан үгэнүүдые, залгабаринуудые хэрэглэхэ гэжэ оролдогты.

Нямняа сэсэг айл бүхэнэй газгаа ургадаг. Наранай гарахада, дэльбэнүүдынь задардаг, наранай ороходо хаагдадаг. Дэльбэнүүдынь олон. Эшэниинь ута. Намаа набшананиинь үдхэн. Хөөбэгэр сагаан үрэнэтэй. Эмтэй домтой, тунатай ургамал юм.



Словарна диктант бэшэхэдээ, тэмдэгэй нэрэнүүдые зэргээрнь хубаажа бэшэгты.

Ута, үндэршэг, дан томо, харабтар, саб сагаан, хүндэ, сэб хүйтэн, шэб харанхы, угаа хүхюутэй, шара улаан, гонзогор, ноб
НОГООХОН.

юрын	сасуульһан	үлүүлһэн
Ута	Үндэршэг	Дан томо
Хүндэ	Харабтар	Саб сагаан
Шара улаан		Сэб хүйтэн
Гонзогор		Шэб харанхы
		Угаа хүхюутэй

Сэгүүдэй орондо **үлүүлhэн** зэргын шанар тэмдэглэhэн үгэнүүдые тааруулан оруулагты. Хэрэглэгдэхэ үгэнүүд: **ТОН, дэн, hэб, дан, угаа.**

Ази түбиин дундахи уула майлатай газарта * хүйтэн үбэл ба * халуун зун болодог. * хуурай агаартай хадаа үбэлэй хүйтэниие бараг тэсэхээр байдаг. Зунай халуун үдэрэй тэнгээр * шанга болодог, гэбэшье үдэшэ үглөөндөө * нэрюун, зохид байдаг. Иимэ сагай уларил эрид-континентальна гэжэ тоологдодог.

Шалгагты:

Ази түбиин дундахи уула майлатай газарта **дэн хүйтэн** үбэл ба **дан халуун** зун болодог. **Тон хуурай** агаартай хадаа үбэлэй хүйтэниие бараг тэсэхээр байдаг. Зунай халуун үдэрэй тэнгээр **угаа шанга** болодог, гэбэшье үдэшэ үглөөндөө **нэб нэрюун**, зохид байдаг. Иимэ сагай уларил эрид-континентальна гэжэ тоологдодог.